

CONCELLO DE XOVE

ACTA DA SESIÓN EXTRAORDINARIA CELEBRADA POLA XUNTA DE GOBERNO LOCAL O DÍA 29 DE XULLO DE 2011.

Asistentes:

Alcalde-Presidente:

D. José Demetrio Salgueiro Rapa

Vocais:

D. José Manuel González Álvarez

D^a M^a Dolores Meitín Guerreiro

Secretario:

D. Luís M^a Fernández del Olmo

Ausente:

D^a Ana María Abad López

Na Casa Consistorial do Concello de Xove, sendo as dezasete horas do día vintenove de xullo de dous mil once, baixo a presidencia do Sr. Alcalde, D. José Demetrio Salgueiro Rapa e coa asistencia dos Sres. concelleiros á marxe relacionados, do Secretario, D. Luís María Fernández del Olmo, procedeuse a celebrar a sesión extraordinaria correspondente a este día, previa convocatoria ó efecto e en primeira convocatoria.

Sendo a hora sinalada, polo Sr. Alcalde declarouse aberta a sesión.

A) APROBACIÓN DA ACTA ANTERIOR.

De seguido, polo Sr. Alcalde, pregúntase ós asistentes si teñen algunha observación que formular á acta da sesión anterior de 8 de xullo de 2011.

Non formulándose ningunha reclamación, queda aprobada por unanimidade a acta de 8 de xullo de 2011.

B) LICENCIAS DE OBRA E APERTURA.

Neste punto non se adoptou acordo ningún.

C) CONTAS E FACTURAS

Neste punto non se adoptou acordo ningún.

D) OUTROS ASUNTOS DE GOBERNO MUNICIPAL

D.1) PLAN DE EMPREGO MUNICIPAL.- LIBRAMENTO DE AXUDA CONCEDIDA.

Vistos o expedientes incoado ó efecto, e a documentación achegada polo solicitante, referida ó exercicio de 2010 por unanimidade en votación ordinaria, acórdase:

1º) O libramento da axuda concedida segundo as bases establecidas ó efecto para o beneficiario e pola contía que se relaciona seguidamente, a teor da xustificación documental que se xunta:

Nome do perceptor	Contratación subvencionada	Períodos	Contía
A Medela C.B.	Yolanda Bermúdez Alonso	Marzo+abril-décembro 2010	249,17 €

2º) Facultar á Alcaldía-Presidencia para a realización de cantos actos, trámites ou xestións sexan procedentes para o bo fin de dos acordos adoptados.

D.2) SOLICITUDE DA COMUNIDADE DE MONTES “LAXAMOURA” DE AXUDA ECONÓMICA PARA FEIRA DE GANDO “SAN BARTOLO 2011”.

Visto o escrito de D. Antonio Paleo Riveira, como Presidente da Comunidade de Montes “Laxamoura” con domicilio a efectos de notificación en c/ Acceso a Cuartel, 7 (27870 Xove) no que solicita unha subvención para o financiamento da Feira de Gando “San Bartolo, 2011” Segundo consta no informe da Interventora Municipal, a proposta axústase ó establecido no artigo 22.2.a) da Lei 38/2003, de 17 de novembro, Xeral de Subvencións, e debe acomodarse ás esixencias do capítulo I do Título V das Bases de Execución do Orzamento para 2.011 Vista a existencia de crédito para o gasto na partida 412.489 do vixente Orzamento.

Pola Xunta de Goberno Local, por unanimidade en votación ordinaria acórdase:

1º.- A concesión da subvención económica nominativa por importe de 3.000€ para o financiamento da devandita Feira de Gando.

Esta subvención é compatible coa percepción doutras subvencións, axudas, ingresos ou recursos para a mesma finalidade, procedentes doutras Administracións ou entes Públicos ou privados, se ben en ningún caso o importe dos fondos obtidos poderá superar o custe da actividade subvencionada.

2º.- O libramento en concepto de anticipo da cantidade de 2.100€ correspondente ó 70% da subvención concedida.

3º.- Unha vez efectuada a xustificación documental do gasto por un importe igual ou superior a 3.000€ procédese ó libramento do 30% pendente de percepción

4º.- Consonte ó establecido na Base 41 das de execución do Orzamento, para a xustificación da axuda deberá presentarse no rexistro Xeral do Concello a seguinte documentación:

- Unha declaración de tódalas axudas que se percibiron ou solicitaron para a actividade subvencionada, sexan de particulares ou de outras administracións públicas. Poderá utilizarse o modelo facilitado polo Concello.
- Certificado ou declaración responsable do solicitante ou representante legal da entidade acreditativo de atoparse ó corrente das súas obrigas fiscais co Concello e coa Seguridade Social se fose o caso.
- Estado ou balance de gastos e ingresos asinado polo Presidente así como polo Secretario da entidade relativo á actividade e período subvencionado.
- Unha Memoria da actividade realizada ou no seu caso, exemplar da documentación e propaganda escrita e gráfica relativa á mesma e na que se anuncie a colaboración municipal.
- Orixinais ou copias cotexadas das facturas ou documentos acreditativos do gasto realizado que deberán cumprir os seguintes requisitos:
 - O beneficiario deberá figurar obrigatoriamente como destinatario da factura.
 - Expresar con detalle os bens e servizos adquiridos.
 - Debe figurar claramente o nome ou razón social e NIF da empresa que emite a factura.

5º.- A xustificación da subvención deberá presentarse, en todo caso, antes da finalización do exercicio orzamentario correspondente, e no caso de subvencións concedidas dentro do último trimestre do exercicio, antes do 31 de xaneiro do exercicio seguinte.

D.3) SOLICITUDE DE REDUCCIÓN DE XORNADA DO SERVIZO MUNICIPAL DE AXUDA NO FOGAR DE D^a MARIA DOLORES LÓPEZ ROUCO.

Vista solicitude formulada por D^a María Dolores López Rouco con domicilio en Cruces, 25 (27878 Morás) na que solicita a redución de 2 horas do Servizo Municipal de Axuda no Fogar que pasará a ser de 2 horas.

Pola Xunta de Goberno Local, por unanimidade en votación ordinaria acorda:

1º) Reducir o número de horas da solicitante para que pasen a ser 2 horas semanais.

2º) A notificación á interesada, os efectos oportunos

3º) A dación de conta á adxudicataria do servizo D^a Iliá Lage Canoura con domicilio en Veiga, 6 Rigueira (Xove), aos efectos procedentes.

D.4) PROPOSTA DE ALCALDÍA DE MODIFICACIÓN DO ACORDO REGULADOR DO PREZO PÚBLICO POLA PRESTACIÓN DO SERVIZO MUNICIPAL DE MÚSICA.

Por Secretaría dáse conta da proposta de Alcaldía de modificación do acordo regulador do prezo público pola prestación do Servizo de Escola Municipal de Música que a seguir se transcribe literalmente:

“D. José Demetrio Salgueiro Rapa, Alcalde-Presidente do Concello de Xove, no uso das facultades que me son conferidas polo artigo 21.1 da Lei 7/85, de 2 de abril, Reguladora das Bases de Réxime Local, PROPÓN Á XUNTA DE GOBERNO LOCAL a adopción dun acordo

de modificación do acordo regulador do prezo público pola prestación do Servizo de **Escola de Música**, do seguinte xeito:

1º.- Modifícase o artigo 5º no seu apartado primeiro, que queda redactado como segue:

“Establécese unha tarifa única por curso e alumno de 35,00 euros, co IVE que pondera corresponder, no seu caso, engadido en dito importe”

2º.- Modifícase o artigo 6º, que queda redactado como segue:

“No caso de unidades familiares con tres ou máis fillos, contéplase unha bonificación do 100% a partires do terceiro neno/a inscrito.

A estes efectos, enténdese por unidade familiar a formada polos cónxuxes non separados legalmente e, no seu caso, os fillos e fillas menores de 18 anos, con excepción dos que, con consentimento dos pais vivan independentes destes, e os fillos maiores de 18 anos cunha minusvalía superior ao 33% e os incapacitados xudicialmente suxeitos á patria potestade prorrogada ou rehabilitada ou os así declarados pola administración autonómica. Nos casos de separación legal ou cando non existira vínculo matrimonial, a unidade familiar estará formada polo pai ou nai e tódolos fillos e fillas que convivan con un ou outro e reúnan os requisitos descritos no parágrafo anterior”.

A presente modificación entrará en vigor e comenará a aplicarse no momento da súa publicación no BOP, permanecendo vixente ata a súa modificación ou derogación expresa.”

Pola Xunta de Goberno Local, en votación ordinaria acorda:

1º).-A aprobación da modificación do acordo regulador do prezo público pola prestación do servizo municipal de música.

2º).- A remisión ó Boletín Oficial da Provincia os efectos da súa publicación.

D.5) PROPOSTA DE ALCALDÍA DE MODIFICACIÓN DO ACORDO REGULADOR DO PREZO PÚBLICO POLA PRESTACIÓN DO SERVIZO DE ESCOLA MUNICIPAL DE XIMNASIA RÍTMICA.

Por Secretaría dáse conta da proposta de Alcaldía de modificación do acordo regulador do prezo público pola prestación do Servizo de Escola Municipal Ximnasia Rítmica que a seguir se transcribe literalmente:

*D. José Demetrio Salgueiro Rapa, Alcalde-Presidente do Concello de Xove, no uso das facultades que me son conferidas polo artigo 21.1 da Lei 7/85, de 2 de abril, Reguladora das Bases de Réxime Local, e previo informe emitido pola Interventora Municipal, PROPÓN Á XUNTA DE GOBERNO LOCAL a adopción dun acordo de modificación do regulador de prezo público pola prestación do **Servizo de Escola de Ximnasia Rítmica**, do seguinte xeito:*

1º.- Modifícase o artigo 5º no seu apartado primeiro, que queda redactado como segue:

“Establécese unha tarifa única por curso e alumno de 40,00 euros, co IVE que puidera corresponder, no seu caso, engadido en dito importe”

2º.- Modifícase o artigo 6º, que queda redactado como segue: “No caso de unidades familiares con tres ou máis fillos, contéplase unha bonificación do 100% a partires do terceiro neno/a inscrito.

A estes efectos, enténdese por unidade familiar a formada polos cónxuxes non separados legalmente e, no seu caso, os fillos e fillas menores de 18 anos, con excepción dos que, con consentimento dos pais vivan independentes destes, e os fillos maiores de 18 anos cunha minusvalía superior ao 33% e os incapacitados xudicialmente suxeitos á patria potestade prorrogada ou rehabilitada ou os así declarados pola administración autonómica. Nos casos de separación legal ou cando non existira vínculo matrimonial, a unidade familiar estará formada polo pai ou nai e tódolos fillos e fillas que convivan con un ou outro e reúnan os requisitos descritos no parágrafo anterior”.

O presente Acordo regulador entrará en vigor e comenará a aplicarse no momento da súa publicación no BOP, permanecendo vixente ata a súa modificación ou derogación expresa.”

Pola Xunta de Goberno Local, en votación ordinaria acorda:

1º).-A aprobación da modificación do acordo regulador do prezo público pola prestación do Servizo de Escola Municipal de Ximnasia Rítmica.

2º).- A remisión ó Boletín Oficial da Provincia os efectos da súa publicación.

Sen máis asuntos que tratar, sendo as dez horas e cincuenta minutos, polo Sr. Alcalde-Presidente, remátase a sesión, extendéndose a acta presente, de todo o que, como Secretario, dou fé.

Vº e PR

O ALCALDE,

O SECRETARIO,

Asdo: José Demetrio Salgueiro Rapa

Asdo. Luís María Fernández del Olmo.

